



27 Julai 2012
27 July 2012
P.U. (B) 247

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PERMULAAN PENYIASATAN DUTI ANTI-
LAMBAKAN MENGENAI IMPORT GELUNGAN-GELUNGAN
PANAS RATA YANG BERASAL ATAU DIEKSPORT DARI
CHINESE TAIPEI

*NOTICE OF INITIATION OF AN ANTI-DUMPING DUTY
INVESTIGATION WITH REGARD TO IMPORTS OF HOT
ROLLED COILS ORIGINATING OR EXPORTED FROM
CHINESE TAIPEI*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA DUTI TIMBAL BALAS DAN ANTI-LAMBAKAN 1993

NOTIS PERMULAAN PENYIASATAN DUTI ANTI-LAMBAKAN MENGENAI IMPORT
GELUNGAN-GELUNGAN PANAS RATA YANG BERASAL ATAU DIEKSPORT DARI
CHINESE TAIPEI

(AD 02/12)

MENURUT subseksyen 20(8) Akta Duti Timbal Balas dan Anti Lambakan 1993 [*Akta 504*] dan Peraturan 8 Peraturan-Peraturan Duti Timbal Balas dan Anti-Lambakan 1994 [*P.U. (A) 233/1994*] Kerajaan Malaysia telah menerima suatu petisyen yang mengatakan bahawa import gelungan-gelungan panas rata yang berasal atau dieksport dari *Chinese Taipei* sedang dilambakkan di Malaysia dan menyebabkan kemudaratan material kepada industri dalam negeri di Malaysia yang mengeluarkan keluaran serupa ("industri Malaysia").

Petisyen

1. Petisyen itu telah dibuat oleh—

Megasteel Sdn. Bhd.
Wisma Lion, Lot 2319
Kawasan Perindustrian Olak Lempit
Mukim Tanjung Dua Belas
42700 Banting
Selangor Darul Ehsan
MALAYSIA,

pengeluar dalam negeri gelungan-gelungan panas rata bagi pihak industri Malaysia.

Keluaran

2. Dagangan subjek yang dikatakan sedang dilambakkan ialah gelungan-gelungan panas rata yang dikelaskan di bawah Nombor Kod Sistem yang Diharmonikan (Kod H.S.) 7208.36.000, 7208.37.000, 7208.38.000, 7208.39.100, 7208.39.910 dan 7208.39.990 ("dagangan subjek"). Nombor Kod H.S. ini diberi hanya untuk makluman tetapi tidak mempunyai kesan mengikat terhadap pengelasan dagangan subjek.

Pengataan lambakan

3. Pengataan lambakan adalah berdasarkan perbandingan di antara nilai normal dagangan subjek di *Chinese Taipei* dengan harga eksport yang bersamaan dengannya apabila dieksportkan ke Malaysia. Berdasarkan perbandingan ini, margin lambakan sebagaimana yang dikatakan oleh pempetisyen adalah ketara bagi pengeluar/pengeksporth tersebut.

Pengataan kemudaran

4. Pempetisyen telah menyatakan dan telah memberikan keterangan bahawa import dagangan subjek dari *Chinese Taipei* yang dikatakan telah meningkat dari segi kuantiti mutlak. Adalah dikatakan selanjutnya bahawa industri Malaysia telah mengalami kemudaran melalui kesan lambakan, antara lain, pemotongan harga, penyekatan harga, tahap penggunaan kapasiti yang rendah, penurunan kadar keuntungan, pengurangan dalam bilangan pekerja, kenaikan inventori dan ketidakupayaan menambahkan modal.

Tatacara

5. Setelah menentukan bahawa keterangan yang mencukupi wujud untuk mewajarkan suatu penyiasatan duti anti-lambakan dan bahawa penyiasatan itu adalah demi kepentingan awam, Kerajaan memulakan penyiasatan menurut subperaturan 7(1) Peraturan-Peraturan Duti Timbal Balas dan Anti-Lambakan 1994.

5.1 Senarai soalan

Bagi mendapatkan maklumat yang disifatkan perlu bagi penyiasatannya, Kerajaan akan menghantar senarai soalan kepada industri Malaysia dan mana-mana persatuan pengeluar di Malaysia, kepada pengeluar/pengeksporth di *Chinese Taipei*, kepada pengimport, kepada mana-mana persatuan pengimport yang dinamakan dalam Petisyen, dan kepada Kerajaan *Chinese Taipei*.

Dalam apa-apa keadaan, semua pihak berkepentingan yang tidak dihubungi oleh Kementerian Perdagangan Antarabangsa dan Industri (MITI) adalah diminta untuk menghubungi MITI melalui faksimile atau e-mel bagi mengetahui sama ada mereka disenaraikan dalam petisyen. Jika perlu, pihak

berkepentingan itu boleh memohon suatu salinan senarai soalan dengan mengenal pasti sifat aktiviti perniagaan mereka yang berkaitan dengan penyiasatan ini.

5.2 *Pengumpulan maklumat*

Semua pihak berkepentingan diminta memberikan pandangan mereka secara bertulis, khususnya dengan menjawab senarai soalan yang dialamatkan kepada mereka dan dengan mengemukakan keterangan menyokong.

Had masa

6. 6.1 *Pihak memohon senarai soalan*

Semua pihak berkepentingan yang memohon suatu senarai soalan, hendaklah berbuat demikian, tidak lewat daripada 15 hari selepas penyiaran notis ini dalam *Warta Kerajaan Malaysia*.

6.2 *Pihak menjawab senarai soalan*

Semua pihak berkepentingan mestilah mengemukakan pandangan mereka secara bertulis dan mengemukakan jawapan senarai soalan dalam masa 40 hari dari tarikh penyiaran notis ini jika pandangan dan pengemukaan itu hendak diambil kira semasa penyiasatan, kecuali jika dinyatakan sebaliknya.

Pengemukaan bertulis, jawapan senarai soalan dan surat-menyurat

7. Semua pengemukaan dan permohonan mestilah dibuat secara bertulis dan mestilah dinyatakan nama, alamat, alamat e-mel, nombor telefon dan faksimile pihak berkepentingan itu kepada—

Pengarah
Seksyen Amalan Perdagangan
Kementerian Perdagangan Antarabangsa dan Industri (MITI)
Tingkat 14, Blok 8, Kompleks Pejabat Kerajaan
Jalan Duta
50622 Kuala Lumpur
MALAYSIA